

**نور حجازى**

# **مشاعر من نور**

**أشعار بالعامية المصرية**

الطبعة الأولى سبتمبر 2020

## بطاقة الكتاب

عنوان المؤلف	مشاعر من نور
المؤلف	نور حجازى
التصنيف	أشعار بالعامية المصرية
رقم الإيداع القانونى	15284 - 2020
الترقيم الدولى	978-977-6835-19-1
رقم الإصدار الداخلى	649 الطبعة الأولى سبتمبر 2020
عدد الصفحات	98 صفحة
لوحه الغلاف	الفنانة التشكيلية وفاء محمد

جميع حقوق الطبع والنشر محفوظة للمؤلف، ولا يحق لأى دارنشر طبع ونشر وتوزيع الكتاب أو ترجمته أو الاقتباس منه أو نشره على النت الا بموافقة كتابية وموثقة من المؤلف

### مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

**ناجى عبد المنعم**



رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

النيل والفرات [nagyegy200064@gmail.com](mailto:nagyegy200064@gmail.com)

[alnilwaalfourat](http://alnilwaalfourat.com) [alnilwaalfourat@gmail.com](mailto:alnilwaalfourat@gmail.com)

المقر الرئيسي: ج.م.ع. محافظة الشرقية - العاشر من رمضان - مجاورة 13 - امام سنتر الـ 13 - عقار 304

# الإهداء

أحمد الله على ما أعطاني من جمال المشاعر والكلمات  
وأودين لتلك القلوب التي ضخت في قلبي أجمل  
حروف من نور

## نور حجازي

# ماتكسرنيش

ساعات بتمر وانا جنبك  
وماتشوفنيش  
واشوف الصمت في كلامك  
وقلبي لما يندهك ماتسمعنيش  
ما بسمعني حروف إسمى على لسانك  
واحسني كل أحضانك  
ماتوحسنيش  
بتوه منى...  
واخبي الحب من حزني  
دا حزن البعد موتني  
دا انا ف قربك بيعيا كل شئ فيا  
ماتوجعنيش بترحالك

سكوتك شئى مخوفنى  
ماتكسرش الحياه فىا  
ماتكسرنيش بحنيه  
وتنسى محبتك ليا  
تعالى وشوف دموع عىنى مافرقتنيش  
وقلبى اللى بيبكىك  
ومش قادر ف صدرى يعىش  
حرام البعد وانا جنبك  
بتدبحنى ساعات صمتك  
ولما ابص فى عيونك  
خلاص يا حبيبى ما بشفنىش  
كسرت كل شئى فىا  
ماتجرحنىش بحنيه  
مشاعرك نايمه وأما تشوفنى مابتصحىش  
دا حبك كان بيجمعنا

وكان ولاشيء يفرقنا

خلاص من حبنا مليت

ولا القلب مال حاله

وحب جديد

أنا مش عايزه أعيش بعدك

وريد قلبي بيحيا بس بمشاعرك

ماتهجرنيش وانا جنبك

ومتبكيش عيوني وقلبي من بعدك

عيون القلب فيها صورتك

بشوفها لما توحشني وانت بعيد

حبيب عمري ماتكسرنيش

# بكره تندم

لما سبت قلبي بَعْدَكَ  
وحدهُ عايش ف المواجه  
بكره .. بكره ترجع  
عارفه إنك يوم هاترجع  
وإن قلبي أأاه ساعتها مش هایشفع أو يسامح  
إللي يعرف قلب نور  
واللي يعشق نورها يوم  
لو هايبعد عنها حتماً يوم هيندم  
وانه لازم يوم يعود  
عتمه من غيرها الوجود  
حُبها ملهوش مثيل  
قلبها ملهوش بديل

عشقها لو مس قلبك  
مستحيل من جوه قلبك يوم هايطلع  
بُعدك خلاص مايهمنيش  
علمت قلبي إزاي يعيش  
علمته يأسى ويهجرك  
هجرت قلبي بقسوتك  
واتحملك سنين كتير دا هان عليك  
دمعي اللي كان سهران عليك  
قلبي ماعدش يحن لك  
قلبي شبع من قسوتك  
قلبي اللي كان ملك ف إيديك  
قادر خلاص بَعدك يعيش  
بكره الزمن هيفكرك  
وهايجي يوم تتمنى لحظه تبقى جنبي  
ومتلاقيش

# قلب هش

مابتحملش

بضعف موووت قصاد عينك

ونبض القلب مايكملش

ويضعف قلبي قدامك

وقلبي يبقي خدامك

وقوة قلبي تتحول قصادك ضعف

أنا الجامده اللي زي الصخر

بتحول لكومة قش

عشقت ضعفي بين إيديك

وقلبي نبضه لما يزيد وتاني يقل

بحب عنيك وتتهيدك

بحس بفرح ف وجودك

ودنيا واسعه ف حدودك  
دا كل الكون مايبساعنيش  
ونظره واحده من عينك  
بشوف كل امتداد الكون  
وبتسعني حدود عينك  
وأش راح اكون  
لو انت ياعمري مش موجود  
دا ف وجودك بحس الجنه بين إيديك  
ياقلب حانون  
ولو صورتك تبان قاسي ف عين الناس  
كفايه صدق إحساسي  
وقلبي وكلي بيريدك

# مشاعر

جوايا مشاعر ملياني  
وعيونى بحبك فضحاني  
أنا كل ماشوفك قدامى دقاتى تزيد  
والدم يجرى ف شرايينى ومشاعرى تقيد  
ليه بس مشاعرك هاجراني  
ليه قلبك ساكت مشتاقليش  
ولافيش مواعيد تجمع بينا ولاصوت رنه  
ولا كلمة حب بتجمعنا  
أنا حبي طعمه جديد وخطير  
لو قرب قلبك وسمعني هايشوف بعنيه  
فدادين طرحه ورد وحنه  
أطنان من شوق وخلايا حنان

قلبك لو داق ماهايسلى الشوق  
ولا لمسة روجي وحناني  
بس اما يدوق طعم الجنه بين أحضاني  
أنا حوا وغير كل الستات أنا حوا بجد  
ولاتشبهني ف الدنيا دي حد أنا دنيا ودين  
محراب لمشاعر مدفونه  
قلبك ف الليل يتعبد فيه لعيون صامت  
واشتاقت تعشق حب جميل  
دي عيونك لما هانتقابل  
بالشوق هاتفيض  
وتشبع قلبي بنظرة عين  
وقلبي ف لحظه يسلم نفسه  
وتلقاه ف إيديك

# باجيب سيرتك

وبعمل نفسي بتجهلك  
وبتعمد ماجيب سيرتك  
لكن قلبي بيتلكك  
ومش ساكت كلام عنك  
وبتكلم مع الناس اللي أقرب لك  
عشان أسمع كلام منهم  
لما يقولو عن حالتك  
ببتعذب وتشتاقلي  
ياروح الروح  
ياعشق الروح  
دانا مهما بداري الشوق  
وقلبي بالغرام ماييوح

لكن عاشقه اجيب سيرتك  
واسمع كل شيء عنك  
وقلبي بالدموع بيبوح  
ولو تيجي وتتأسف  
للقلب اللي كله جروح  
قلبي ف لحظه هايسامحك  
وتلقاني ساكنه ياروحي جوه الروح  
وبين حضنك  
وكل ما فيا بيقولك  
حبيب عمري  
أنا ف بُعدك بموت م الخوف  
وقلبي بشوقه محتاجلك

## تصدق بآيه

وحق اللي خلقك  
وأبدع ف خلقك  
وحشت العيون  
دا صوتك وحشني  
لحد الجنون  
هسافر واجيلك  
وف قلبي هاشيلك  
وف حضني هاضمك  
بخوف زي أمك  
وتلمس حناني  
ونار اشتياقي  
وشوقي الرهيب  
ساعتها ياعمري  
مايوم راح تغيب

# ملاحى بتشبهك

طب قرب بص وشوف بعينك  
هتلاقي ملاحى بتشبهك  
والروح والقلبمقسومه علينا إحنا الاتنين  
سامع قلبى نبضك يا حبيبي ساكن فيه  
ودقات قلبك اللي بتحيه  
والنبض اللي ف قلبك مني  
قاعد جواك علشان يراعيك  
ياحنين وبتسكن جوايا  
يامشاعر جايه على هوايا  
حبك مالهوش عندي نهايه  
مهما هاتبعد ولامشاعرك يوم تجافيني  
هتلاقي مشاعرك ف وتيني

بتشدني إليك  
حضناني الدنيا ما بين إيدك  
والصحرا بتتحول بساتين  
دا الفرح تملئ بيجي معاك  
وكأنه زهور والجنه هواك  
والحزن بيبعد ف وجودك  
وخدودي لونها بيتحول تفاح لبنان  
أنفاسك عنبر يا حبيبي  
وياسمين وريحان  
خليك جنبي هنا وحيني  
ساكن روحي وقلبي وعيني  
حضنك ليا ناسي وأهلي  
حضنك ليا كل حبايبي  
حبك يحياتي ميه وزاد

# دفي لى القلب

ماتنام وحدك كدا وتسيبني  
وانا وحدي بعيد خليني معاك  
وان غفلت عينك يا حبيبي  
أوعدني اجيلك ف الأحلام  
خليني الحلم اللي بتحلم وبتتمناه  
أوعدني أكون الروح والقلب  
دفيلى القلب اللي بُعدك بيعيش بردان  
دي عيوني بتغرق ف دموعها  
ودا من شوقها والشوق حراق  
يانجوم الليل  
وانا عنه بعيد روحى طلي عليه  
بشحنك من قلبي محبه لتحني عليه

يانسيم الليل أياك تأسى لو لحظه عليه  
خليه دفيان من برد الليل  
دافيلي القلب اللي بحبه  
دانا رغم البعد  
بيزيد خوفي وحناني عليه  
أنا سايبه خيالي هناك وياه  
أنا سايبه مشاعري وروحي معاه  
يانجوم يانسيم دا حبيبي وسيم  
وبيملى عيوني وروح قلبي  
وانا بملي عنيه  
وبحس بنفسي وانا جنبه  
أجمل حوا بتسكن قلبه  
هيلاقي زي حناني أنا فين  
مهما بيعذب ف مشاعري  
عمري ماانا قلبي ها يأسى عليه

# حبك ما بقاش

سمعاہ بیتکلم ف التلیفون  
سمعاہ بیقول أهمالها لقلبي بیقتلني  
مانا كنت لقلبك نبض وروح  
أهمالك زاد وبأيدك كنت بتقتلني  
مانا كنت لقلبك ميه وزاد  
وإن زاد وجعك  
بدموعي بكون يا حبيبي دواك  
ليه راجع تاني بتشكي القلب  
اللي جراحته واتقلت أيوه معاك راحته  
وشاف منك أشكال وألوان  
وعذاب حاضن أيام عمري  
حبك ف القلب خلاص ما بقاش

قلبي ببكي والصمت بكاه  
ماقتش اتكلم عن وجعي  
ولا قادره اتكلم تاني معاك  
ولاحابه أشوف تاني ملامحك  
مش بقي ف قلبي غير جرحك  
مابقاش قلبي عايز يهواك  
ياأنين وعذاب ساكن روحي  
سكين وبتطعن ف جروحي  
ياسنين من عمري وضاعت ف الأحزان  
دا هواك كان ساكن ف ضلوعي وهواك كداب  
مين بس يحب بقلبه ياناس  
ويحب يشوف قلب حبيبته برجله بينداس  
وبيكسر قلبي بأسم الخوف  
ملعون خوفك ملعون حبك  
لو قلبي برجلك راح ينداس

# أنا خاب ظني

(اللون الأسود تحت العين)  
كان كحل وساح مش من سهري  
قلبك بيروح عني ويغيب  
ويخيب ظني  
ولقى مشاعرك ناسيه مشاعري  
ولا تسأل عني وتهمني  
فاكر إني ف بعدك هالبي  
طب شوف بعينك  
قلبي فرحان  
قلبي من بعدك مش زعلان  
طب قرب واسمع دقاته  
هاتقولك إيه؟؟

أنا سامع صوت قلبك مدبوح  
أنا سامع صوت الروح بتروح  
لأ ماتصدقش قلبي بيكذب  
دي حلاوة الروح  
لو عايز تبعد تاني كمان  
خد راحتك وابعده الآخر  
أبعد وأنا قلبي من بُعدك والله فرحان  
وعيونني بتحضن فدموعها  
وغيابك ده مش موضوعها  
قلبي مش فارض حبه عليك  
قلبي كان عبد وملك إيديك  
أأاه منها مشاعري بنت الإيه  
قدام عينك جيباني الأرض  
ومشاعري أأاه بتبوس ف إيديك

## طمني عليك

أزي مش حاسس بمشاعري  
أزي مسامع صوت الأه من جوه الروح  
إزاي بتقول إنك حبيت  
وهواك ف القلب معذبني  
وقلبي بهواك عايش مجروح  
دانا جوه مني ألف سؤال  
مش لقيه جواب بيظمني  
لو تسمع منهم بس سؤال  
وترد عليه  
قلبي يظمن ف ضلوعه  
والله دانا سامعه دموعه  
محتاج يشعر وياك بأمان

ليه حاسه بقلبك عني بعيد  
ليه حاسه بقلبي ف ضلعي وحيد  
مش حاسه بروحك جوايا  
مش حاسه مشاعرك ويايا  
أنا بدعي يكون احساسي فاشوش  
أنا بدعي تكون لسه معايا  
ماتكنش مشاعرك كانت قش  
مع اول ريح يتهد العش  
طمني عليك  
معقوله ف يوم ليا ما حنيت  
معقوله ف ويوم ليا انا حبيت  
معقوله كل قسوتك دي  
يعني لو غبت شويه عليك  
ماتحن ولا تسأل عني  
طب رن عليا وطمني

وان كان شحناك م الهوا خلصان  
اشحن لك أيوه سنين عمري  
وبلاش صمتك  
الصمت ف بُعدك يقتلني  
طب أبعث كلمه ف رساله  
قولها وطمن قلبي وسيبني  
زي مانا كنت بقولها لك  
ردلي ديني .. وقولها بقلبك إني وحشتك  
مانت وحشني  
طب قولها ف سر ك يا حبيبي  
والله بجد هاتوصلني  
البُعد يا عمري مش مسافات  
البُعد يكون أحساسي ف قلبك مات  
أنا نفسي أطل حبيبي عليك  
محتاجه اشوفني جوه عنيك



## حلفت عليك

لو غبت عليك تسأل عني

وبلاش بسكوتك تهمني

دا الدمع اللي بينزل مني

ببيوس ف إيديك

مشتاقه إليك

أرحم لحظات ضعفي وحي

ودقات قلبي الملهوفه عليك

بين إيدي ديماً تحلفلي

وبتوعدي ماها تبعد عني حبيبي يومين

وان خدك الشوق

هاطمني وتسال عني

طب فين النار اللي قلبك

لحظة ما بشوفك تحرقني  
وتاخذني ما بين قلبك وعينك  
ليه قلبك بقى مقسوم نصين  
نص بيعشقتني بتفاصيلي  
والنص التاني بينساني ولا يعرف شيء  
أنا روجي معاك بتموت وتعيش  
قادر بمشاعرك تحييني  
قادر على قلبي تبكينني  
قادر من نظره تموت فيا وتحييني  
أاه منك أنت يانور عيني  
ألعب بمشاعري ما بين إيدك  
مانا عاشقه قلبك وبريدك  
وبكلمه منك ف بريدك  
تلقاني ف دمك ووريدك  
مانا من بختي أاه حبيبتك

والحب مش طعم السكر  
الحب دا مُر ومتسكر  
وعشان أنا خدت ياروحي عليك  
أنا عاشقه مُرك من إيدك  
ماتحن عليا ياأجمل واطعم م السكر

# أول مره

لأول مره تلمسها

تحسسها بأحساسك

لأول مره بعد سنين

تحس بدفا أنفاسك

لأول مره ف حياتها

تحس الشوق

وطعم الحب يحللها

وصدق الحب وأخلاصك

يحلي كل أيامها

لأول مره من حبك

ترد تاني فيها الروح وتحييها

لأول مره قلبها بعشغو يبوح

ويطرح ورد بين إيدك  
لأول مره بعد سنين من الأحزان  
تحس وهي بين إيدك  
بنبض قلبها مبسوط  
بحبك موووت

# هز مشاعری

هز مشاعري

وهزني

قربني منك شدي

دي نظره واحده من عنيك

قلبي لقلبك ينحني

مشاعري لك عناقيد عنب

مابين إيديك اتفرطت

أجبر بقلبي الله يرضيك

دانا قلبي عاشق وبس ليك

بقلبي أنت راح تفوز

ويطرح لك بساتين ورود

بحنانه هايضلل عليك

خد من مشاعري

ودها

واقطف ورودها

وحبها

أحضن مشاعري وضمها

تطرح جنابن عشق ليك

راح تلقى فين زيي أنا

جنه مابين إيديك هنا

وان غبت عني راح تشوف

طيفي ف منامك يحضنك

دا جي يظمن عليك

ويونسك ف وحدتك

## بدون شروط

مشتقالك رغم بُعدك عن حياتي  
كل حاجة جوه روعي محتجالك  
روحي تاهت لما عني ف لحظه تهت  
وقلبي من أوجاعه ساكت  
كل حاجة ف روعي ماتت  
مش بتحيا إلا بيك  
لما تبعد قلبي يبكي وروحي تسألني عليك  
رافضه بُعدك عن حياتي  
ليا مين يا حبيبي بعدك دانت كل أمنياتي  
وانت أغلي ماف حياتي  
شوفت مره السما من غير نجوم  
ولا عمرك شوفت قلب

خالي من كل الهموم  
دانت ليا أغلى عمر عايشه فيه  
أنت معنى للحياه أنا بشتهيه  
أنت أااه بيقولها قلبي أاه فى لحظة اشتياق  
أنت أحلى كلمه حلوه  
قلبي قالها ف الصلاه  
قلبي لما حس بيك  
ابتدت تحلى الحياه  
قلبي قال يارب خير  
أحمدك على كل شيء  
قلبي بيك مليون ورود  
حبي لك ملهوش حدود  
كل ساجده قلبي يدعي تبقى جنبي  
قلبي حالف يوهبك أنا كل عمري  
بدون شروط

## بتكهر بني

بتكهر بني .. لما مشاعرك بتقربني

قولتي بيعلى .. وبكون أحلى

نور ف عيونك نجمه بتضوي

نظرة عينك

فرحه بتحضن كل مشاعري

---

## أنا روحى عطشانه

أنا روحى عطشانه .. محتاجه لمس إيديك

ودموعي من شوقها .. خارجه تبص عليك

طول مانت عني بعيد .. قلبي ماشاف راحه

قلبي بكاه تنهيد

دانا لما اشوف ضيك يظهر هلال العيد

## يتيم قلبي

حاسه بوحدہ قتلائي  
مشاعري ف قلبي وجعاني  
محتاجه مشاعر قلبه تحضني  
ويسقي عطشي من قُربهُ  
يتيم قلبي وانا ف بَعده  
مابين ايده بلقى الأهل والصُحبه

---

## نويت الصوم

نويت الصوم لكن قلبي  
لساه من حبك مش مفظوم  
قلبي اللي بقلبك متعلق لساه عيل  
والصوم عن حبك مش مسموح

# بدون أسباب

أنا لما عرفتك حبيبتك

وبدون أسباب

قلبي كان عايش لك وحدك

كنت لقلبي كل الأحباب

غمضت عيوني

شوفتك ف عيوني الناس والأهل

ودنيا وعالم وبيوت وأساس

كل مشاعري كات ملك إيديك

مابخلت بوقتي وعمري عليك

لحظة وجعك أنا كنت طبيب

وداويت وجعك بدموع العين

كنت مرايتك إللي تحليك

بتشوف ف عيوني الدنيا ربيع  
جنه ف حضنك لمسها إيديك  
كنت نجومك لو طل الليل  
والشمس اللي دفي ضلوعك  
لو برد يناير مسا عليك  
أناشجرة حب وبتضلل يا حبيبي عليك  
أنا عطر الورد  
إلي بيصبح علي خدك  
أول ماعيونك بتفتح  
أنا حلم جميل  
بين إيدك يا حبيبي أتحقق  
ليه فجأه من حلمك مليت  
أنا قلبي واجعني ومن وجعو والله بكيت  
عايز تبعد  
وتسيب قلبي ف الدنيا وحيد

أنا عارفه الحب ماهوش أجبار  
لكن قلبي من شوقه إليك بيولع نار  
مش عارفه أسيبك أاه تبعد  
ولا أمسك فيك وانت بتعند  
أنا قلبي بحبك متمسك  
أنا مكرهتكش .... ولا حبك قل  
طب عايز تبعد ليه وتضل  
أنا حسه بروحي من حبك عماله تتدل  
يلعن حبك دا قليل الأصل  
ساب قلبي وحيد وسط العتمه  
أنا تايهه لوحدني ف الضلمه  
كنت لقلبي النور والشمع  
معقوله قلبك يتغير إلي هذا الحد  
طب ليه ويجد  
أنا والله معاك عمري ماقتصرت

أنا كل الحب أدتهولك  
كنت لجرحك الدوا والطب  
ليه كده بيعت الحب  
أنا قلبي بشوقي وهبتولك  
الله يلعن الحب بجد  
بيموت فينا مشاعرنا كده جوه القلب  
مشاعرنا الصدقه الملعونه  
مابتعرف يوم تختار وتحب  
غير واحد بايع مشاعرنا  
وبسهوله واهو داس ع القلب  
وياريت القلب ف عمره محاب  
كان عايش وحده كده مرتاح ماداق الغلب  
توب ياالله ياقلبي من ذنبك  
واعرف أن الحب خساره  
وانت إالى كسبت

## دوق القسوة

وحياة الحلو اللي شربته من إيدي كاسات  
وحياة من أبدع ف جمالي وداني صفات  
من ضوفر رجلي لرأس مالي  
وحياة المر اللي شربته من بين كفك  
لدوق منه وتيجيلي زاحف على كفك  
لأكون فرسه لسيد الجدعان  
وأمر وانهي زي السلطان  
وحياة من سواك راجل وطلعت جبان  
لتشوف بعيونك من ناري أشكال والوان  
أنا مش بالساهل تأذيني  
وأنام ودموعي تواسيني  
وتحلف مايكون غيرك ف حياتي تاني يامان

جرب لما الست بتأسى  
هاتشوف منها الدنيا دمار  
إياك فإكر لما هاتبعد  
ها اضعف وانهار  
أنا مستقويه بأفعالي  
إنما أنت بفعك غلطان  
عمرك مارجعت لأحضاني  
أو مره بكيت قولت أنا ندمان  
خليك على عيبك أيوه يامان  
ماخلاص بانث ليا نويك  
هاخذ تاري وهااطفي النار  
وهاشوف قلبك بيولع نار  
مش هاجري عليك أنا زي زمان  
قلبي الطيب مابقاش إنسان  
أنا قلبي خلاص

أتعلم منك يبقى رخام  
مش هابكي عليك ابدأ تاني  
لو شوفت النار بتشعلل فيك  
أنا ياما شربت النار منك  
ماصعبش قلبي ف مره عليك  
طب بص وشوف كل العلامات  
عد جروحي  
من ساسي لراسي أنا مدبوحه  
إزاي أنسي كل جروحك  
وحياة الدمع ... والنار والدم  
لاشرب من نارك مااستكفى  
ودوق من إيدي كاسات السم  
ودموعك تنزل على يدي  
وقلبي بدموعك يتشفي

## شبعث دموع

أقولك حاجه حساها  
ماحستشي  
لا بالي كان عليك مشغول  
ولا قلبي سأل عنك  
ولا قالي إليك مشتاق  
ولا شوفتش ف عيني دموع  
وشوق حراق  
وبستغرب  
بقيت من نفسي ليه بهرب  
واغير كل شيء فيا  
تعبت وفاء وحنيه  
عنك دولا مايستهلوش

كفايه بعيش معاك أو هام  
ولا حاسس ف يوم بيا  
شبعتم دموع  
وقلبي معاك ييات موجوع  
شبعتم أداي وأحاييل  
ف قلب ضرير  
واسيب قلبي بهواك مجروح  
خلاص مليت  
مش بلقى معاك نفسي  
وجعني الحب وجرحني  
وفرحي معاك بيتحول بكا واحزان  
أنا ياما بحن عليك  
وامحي كل أوجاعك  
ما بتقدرش  
وبحتاجلك تكون ليا السند والعون

بلقى ضهري مش مسنود  
وجودك زي مش موجود  
وجع ساكن ما بيخفش ف قلب الروح  
خلاص ما بقتش جوايه  
يجوز لحظه إليك بشتاق  
لكن ذكرى حياتي معاك بتوجعني  
ترجعني ما حنش ليك  
وجودي معاك ما فرحنيش  
معاك ديماً دموعي تفيض  
وقلبي يبات ف ضلعي وحيد  
بتعشق ليه تشوف دمعي بيغلبني  
حبك كان مجرد وهم وخذعني  
لكن دلوقت حقيقي ارتحت  
وحبك فيا ودعني  
لما من قاموسي ماسحت

كلمة حب  
وكلمه واحده ف رساله  
بقولهاك  
حرف ( الباء ) بيسبق بس حرف ( الحاء )

# أنا ماشيه خلاص

هاديلك ضهري وماشيه خلاص  
ياجرحني ومافي عندك إخلص  
مش هرجع تاني وابص عليك  
أنا هانسى الماضي خلاص ونسأك  
أنا كل العمر قضيته معاك  
والقلب اتعذب أووي وياك  
أفعالك ديما وجعاني  
وحرورك ديما جرحاني  
أنا كارهه الوقت اللي جمعنا  
أنا كرهه الأحساس والمعنى  
ليه ماسمعتش لكلام الناس  
قالوا دا قلبك من غير أحساس

لكن لما القلب بيعمى  
ف الحب بنغرق وبأخلاص  
أحساس الحب فعلاً كداب  
قادر يخدعنا ف مشاعرنا  
وعيوننا تشوفو من بره ورد وجنه  
وإيدين مرسومه بالحنه  
لكن لما بندخل جواه  
بنلاقي جروح وأهات وألام  
مش عايزه أعيش الباقي معاك  
مابقاش فيا غير بس جروح  
أطلال وبقايا بتشبهه روح  
وشوية نبض وصوت مدبوح  
يمكن ف بعادك ترجعلي من تاني الروح  
والقلب يعود النبض إليه  
تعبانه بجد

أحساسي معاك أنا جوه اللحد  
انا كارهه الدنيا بأحساسك  
مش عايزه أحس بأنفاسك  
ولا أسمع منك حتي الهمس  
مجروح عمري بين بكره وأمس  
أنا نفسي أغمض عيني ونااام  
وعيونى لما تشوف الشمس  
ألقاني ف دنيا من الأحلام  
صورتك ماتكونش خلاص فيها  
انت الكوابيس إالى تملى بحلم بيها  
خليني بعيد عنك ورتاااح  
قلبي مشتاق طعم الأفراح  
بكفايه ضاع العمر معاك  
وقلبي متكفن بالأحزان  
بالله عليك أعتق قلبي ولوجه الله

# دمعة الشوق

يادمعة الشوق أسكتي  
نازله لمين بكل حرقه تشتكي  
خليكي جوه عيوني دول  
دا قلبه زي الميتين  
وحضنه مبتور الإيدين  
إبكي ياعين من غير دموع  
مش عايزه أشوف نظرة عيونه الشمتانين  
ياقلبي أأأأه  
من نار مشاعرك واللي فيه  
دا الشوق ماليك  
والنار بتحرق شوقها فيك  
ليه حُضنه بس محس بيك

ومشاعره ليه زي الجليد  
يااارب عفوك والرضا  
ألطف بقلبي واجبره بحق الأئين  
دا الحزن ديماً ليه مالميه  
ونار مشاعري بتحرقه  
يااارب حُضنه يحن لي  
غير حُضن قلبه ماليش بديل  
ياااارب حُضنه يضمني  
ولو هاموت مايبين إيديه

# دموع القلب

مين اللى قال الحب بيقوى

مين اللى شاف بعنيه

من يوم ماشفت الحب .. شفت الدموع ف العين

شفت الصبايا الزين .. قلوبها مجروحه

الحب شين مش زين .. الحب طول عمره

فارس وماسك سيف يخطف قلوب البنات

ويقسمه نصين الحب يافاطنه

حلوووو بزياده ودا شكله من بره

بس اما نغرق فيه نلقاه كما القهوه

كيف ... لكن ساده ومر بزياده

عشقت طعم المر والكيف صبح عاده

# مخاصمني صحيح

مخاصمني صحيح

طب قلبك ليه زعلان مني

طب ليه ديماً مكتوب على شاشه تليفونك

متصل الآن

طب رد عليه وطمني عليك

قلبك من قلبي ليه زعلان

دي دموع الشوق عماله تزيد وبتندهلك

دانا نور قلبك وحبيبه الروح

معقوله هانت روعي عليك

طب طمن قلبي المشغول بيك

لما بيعدي عليك الليل بتحلم بيا؟

طب وانت بتحلق ف مرايتك

ملاحتش صورتى جوه عنيك؟

دانا كل ملامحى ف ملامحك

طيبتك وحنانك وسماحتك

طيب قولى زعلان من إيه

طب قول على حاجه وانا عمري

ماهاقولها لحد

إسأل قلبك دا عشقتى بجد؟؟

بيجيب سيرتى ... حابب صورتى

قلبك بيقول جواه إسمى؟؟

طب قرب منى وسمعنى يا حبيب القلب

عايزه أسمع نبضك طمنى ما انت عارفنى

مجنونة وبعشق تفاصيلك يا حبيب العمر

بعشق تهتم بأحوالى ماتغيش ولو لحظه يا غالى

دانا من غيرك أحوالى تغم

يرضيك ف عيونى تشوف الدمع

طب حن وضم .. دانا من نارك مستكفيه  
والشوق عمال يحرق فيا ماتحن ياعم  
لملم الشوق المتبعتر حوالين القلب  
دانا فاض بيا وبقيت من يومك منسيه  
لوقلبك ماهتمش بيا  
راح اللبس قلبك ف قضيه  
وهاصبح جاني وبين ايدي تبقي ضحيه  
وهاجي عشان تترجاني  
وتطلب مني يا حبيبي العفو  
راح أقول للقلب اللي واجعني أنا أسفه بجد  
الحكم الصادر م القاضي  
لابيسمخ لابنقض ولا بعفو  
الحكم عليك أيوووه مشدد  
حبس مؤبد بين أحضاني  
اللي بيعشق كل ملامحك يا حبيبي بجد

# إنت جرح جوه منى

البدن كان ملك ليك

أما قلبي وانت قدامه ناسيك

كل مالك مش شاغلني ولا حُبك يوم شَغني

أنت جرح جوه منى عايشه طول العمر بيه

---

## حزنك جنه

حزنك جنه .. أأاه من شوقي

طب وحياة الشوق ودموعي

سيبني مابين إيدك اتهنى

قد ليالي بكتها عيوني

دفي ضلوعي .. شبع جوعي

خلي الفرحة ف قربك منى .. تمحي دموعي

# كان نفسي أكون

كان نفسي أكون لك أنا عنوان  
لو تتعب .. ترتاح وتنام  
كان نفسي أكون بحر بيغسل كل همومك  
وبتقلع فيه كل الأحزان  
كان نفسي أكون  
شعرك ورموشك وهدومك  
كان نفسي أكون شمس لكونك  
كان نفسي أكون سترك وضميرك وعيونك  
كان نفسي أكون دقات قلبك  
لما بشوقك تعلق بشوقي  
وينام قلبك بالشوق فرحان  
كان نفسي أكون دم ييجري جوه الشريان

عقلك تفكيرك والوجدان  
كان نفسي أكون كل ملامحك أو تفاصيلك  
لما بيوصفها ويرسمها أعظم فنان  
كان نفسي أكون كل حروفك  
لما بتكتبها بكل حنان  
كان نفسي أكون نور لعيونك  
وساعات ف الليل  
بتحب تعيش لحظات فيها بخيال ولهان  
أنا نفسي أكون جوه حياتك  
أمك وحببتك وخواتك  
أنا نفسي أكون أيوووه مراتك  
عتبه بيرتاح قلبك ليها  
بعد الخزلان  
أنا نفسي أكون أنا أغلي ماليك بعد القران

# ماتصدقوش

ماتصدقوش الصورة والأحضان  
كلها أحلام .... ولسه مبتوره  
كان نفسي اكون بين إيدہ مستوره  
الحلم عراني .... زود ف أحزاني  
كان نفسي ابات جواه  
من غير دموع بتئن  
كان حضني نفسه .. يضمني ويحن  
أنا حسه بروحي مكسوره  
وحشني طعم الحزن من إيدہ  
وحشني طعم دفاہ من حضنه وأزيدہ  
دانا روجي عطشانه  
محتاجه يسقيها

وعروقي دبلانه  
ماعدش روح فيها  
أنفاسه.. بدب فيا الروح وتحيني  
وعروقي تطرح ورد  
لما من حضنه يسقيني  
وحشاني طعم الأااه  
وانا بين ضلوع قلبه  
وحشني أهمس له  
وشوقي يحكي له  
محتاجه ضمت روح  
وانا كلي بين إيده

# هاقولك شيء

هاقولك شيء ياريت يتحس

حروفي عاشقه أوصافك

ياحلو وجوه منك سم

ومتغلف بأحاساسك

حروف قلبي بتكتبتك

حروف م العشق فيها أسمك

دموعي نازله تحكيك علي هجرك

وانا لسه ما بين إيدك

ونبض القلب سابني وراح بيشكيك

ياواجه قلبي بمشاعرك

ما بين الصدق وبين الزيف

ومعذب حروف شعري بتأويلك

ساييني وحيدہ من غيرك  
تعبت خلاص أضحك  
وقولت كثير ماليش غيرك  
لكن عيندك وسوء الظن  
عَلب حُبك وتفكيرك  
دانا ببقي ما بين إيدك لكن شارد  
وفكرك عني راح لبعيد  
تجيبك فكره وتوديك وأقول مالك  
تتوه مني وفجأه تقولي أيوه مافيش  
وبلقاني سندہ كل أوجاعي ياروحي عليك  
و بين اللحظة والتانيه  
لانا ماشيه ولا طاييره أنا جنبك لكن تايهه  
أنابين ضمة من إيدك  
وكسر وجبر جوه القلب  
أنا ضايعه في ملاكوتك ياأصعب حب

## استغثت

استغثت لما شبعت غرام مليت  
طب ليه جيت خدت القلب معاك ومشيت  
خدت الفرحة وراحة البال سبت مكان القلب أهوال  
خدت ملامح كات بتنور لما تشوفك  
أاه من شوقك .. لما تسيبه يعذب فيا  
أاه من حزن سييته ياقاسي توب متفصل قد مقاسي  
أاه من قسوة قلبك ليا سبها لقلبي وروحي هديه  
تبقى قاتلني وعايز أدفع عمري الدنيا  
صعب عليا مش متحمل قلبي مأسى  
كنت اتمنى أعيش الباقي وياك أنت  
بين أحضانك  
وحياة قلبك ... عمري جرحتك  
دانا بتحمل كل مظالمك أنا فاض بيا

ولا عاد تاني بقى شيء فيا  
كنت بحُبك أيوه ضحيه وكله بأيدك  
دمعي وجرحي وقلبي شهيدك  
أنا ف جنابن قلبك وردة زارعا بأيدك  
أول إيد كنت بتلمسها وتحسسها أااه بحنانك  
لو تهملها .. طب مين غيرك تحيا عشانه  
الورده من بعدك عنها دبلايه  
أنا عطشانه للمسة إيدك  
فُربك مني يزدني حلاوه  
لما بتأسى حبيبي عليه .. جوه مرايتي مش بعرفني  
بتتوه فيا كل ملامحي .. أااه من جرحي  
ورده وعاشقه الشوك يحضنها  
عمرك شوفت الورد البلدي  
مابيحضنش الشوك لفروعها رغم جمالها  
أحلي مافيهها هو العيب اللي بيحيهها شوكك أنت

## فداك عمرى

مش معايا بس قلبي معاه  
أنا كلي دايب والعيون عشقاه  
بحلم ببكره وأيدو ف إيديا  
أاه لو عشقتي عمري يبقى فداه

---

## منين أوصل

منين أوصل  
طريق الحب مش أسهل  
تعالى انت يجوز تقدر يجوز توصل  
وانا هاستنى طوووول عمري  
وح اتحمل ولو توصلني هنكمل

## سلمت روحك ليه؟!

سلمت روحك ليه مابين ايدي  
انا كنت لسه معاك هنا دلوقت  
بنقول هاتعيش سوا مع بعض  
ليه بس حان الوقت وفارقت ليه ايدي  
فاكر وعودك لما حبتني  
وقولتلي بقلبك عمرك ماهااتفارق  
طب ليه وعدت زمان وخلفت ليه وعدك  
وبعدت ليه دلوقت انا ليه ف وقت الجد صدقتك  
ليه الوعود كات كذب طب ليه ف وقت العشق  
فارقت أيامي انا قلبي لسه محتاجلك  
انا لسه من عشقك والله ماشيبت  
فتح عيونك شوفني لو ثانيه

طب شوف دموع قلبي بتترجاك  
ارجع لقلبي قوام وانا أوهبك عمري  
خد عمري لك ببلاش  
خد روجي وانزعها وازرعها بضلو عك  
مش عايزه اشوف قلبك من غير حياه ولانبيض  
مش قادره اتحمل عيونك قدامي مقفوله  
اصحي بقى دلوقت  
طيب هاقول علي فكره اسمعها  
عشان نعيش مع بعض الباقي من عمري  
هايقبل القسمه خد من سنين عمري  
ونعيش سوا مع بعض وانا قبله للقسمه  
لو خدت كل العمر  
سنيني من غيرك ماعاد لها لازمه  
بوجودك انت وبس سنيني مبتسمه

## بارتاح وياك

راح اقولك شيء حساه وياك  
برتاح انا ليه لما أبقى معاك  
مش مُتعب خالص لأ بالعكس  
حاسه براحه طول ماانا وياك  
أنا عايزه الوقت يطول بينا  
وزمن السرعه يشوف مشاعرنا ويعذرنا  
ويمر بطيئ وعيوني تشبع من ضيك  
مين ف عيوني ياجميل زيك  
جواك طيبه مالقيتها ف حد  
وحنان قلبك بيفوق الحد أنا حبيتك من قلبي بجد  
وبقولها لك طب رد و قلوي بجد صحيح  
حبيت أحساسي الدايب فيك

وحروف الشعر اللي بتوصف  
غصباً عني ف الحلوه عنيك  
إحساسها بحبك بيحلي الدنيا ف عيني  
فتكتب فيك وبتتجلى .. أنا غيرانه  
فى حروف عماله بتتشاقى .. وتحضن ضيك  
دي حروف الشوق عشقك بجنون  
قادره تعبر عن معني الشوق  
وبتوصف فيك آه بالتفصيل  
لو كتبت ألف من الدواوين باردو ماتكفيك  
طب قولي أنا اعمل إيه فيها  
أول مابشوف بس عيونك  
والله بتوه واسرح فيها  
وقلبي المجنون دقاته تزيد  
وتخبط جامد اوووي فيا  
والرعرشه تزيد اووي ف إيديا

وماتهدي إلا ف حضن إيديك  
أنا نفسي اكون حرف ف أسمك  
أنا نفسي اكون بس ملامحك  
أو اكون النبض الساكن فيك  
أنا عايزه اكون ضي عيونك  
أحساسك ... حبك ... وشجونك  
أنا عايزه اكون سهرك ف الليل  
أحساس الشوق اللي ف قلبك نجمه ف سماك  
أنا عايزه اكون خطوات قدمك  
لو قلبك بالشوق يناديلي  
قبل ماتجري وتيجي لعندي تلقاني معاك  
أنا عايزه اقولك م الآخر  
زي السكر ماهو دايب جوه الفناجين  
أنا عايزه ادوب انا كده جواك  
ولايعرف حد اما يشوفنا مين فينا آدم من حوا

# لسه وشك مش عاجبنى

لسه وشك مش عاجبنى

لسه فى قلبك كلام

لسه إحساسك تاعبنى

ياللى فى حضنك بانام

---

# وجعت لى روى

كسرت لك ضلعك كسرت لى ضلوعى

وجعت فى قلبك وجعت لى روى

ولأمته راح أحبك ولأمته من حبه

راح تبكى يادموعى

# إعـملى حـظـر

أعـملى حـظـر

أبـنـى مابـنـا أـلـف سـد

خـلـى الحـيـاه

تـبـقـى ف عـيـونـى حـيـطـه سـد

أـطـعـن كـمـان

إـيـاك عـلـى قـلـبـى ف يـوم تـحـن

خـلـىـك قـوـى

وإـبـعـد كـمـان أـبـعـد قـوـوـى

وـقـت أـحـتـيـاج قـلـبـى إـلـىـك

أـهـرـب بـعـيـد

خـلـى مـشـاعـرـك تـنـفـعـك

وإـفـضـل عـنـيـد

أكد لقلبي إنك ملكش فيه مكان  
وجعت قلبي بحبي ليك  
قلبي اللي كان بيحبني  
طلب اللجوء  
رافض يعيش ف مطرحو  
ونفسه من عشقك يفوق  
أنا نفسي أقول  
انت انتهيت  
مش قادره أقول  
ف حاجه لسه جوه مني بتعشقتك  
بس قلبي م الوجع  
بيقولي نفسي بجد أموت

# مراية الحب كدابه

مراية الحب مش عاميه  
مراية الحب كدابه  
مراية الحب خداعتني  
وكنت باشوفني جذابه  
جمالي كل يوم بيزيد  
وكل لحظه عايشه ف عيد  
وبحلم حلم في منامي  
ويتحقق ف غمضة عين  
وانام واصحي علي تنهيد  
وشوق بيزيد  
ونظرة عين ولمسة إيد  
ولما أبكي يبوس الإيد

وفجأه بلقى ده أوهام  
وأحلامي كانت كوابيس  
ما انا صدقت لكلامه  
مشاعره ليا كانت زيف  
ملامحه أيوه كدابيه  
لكل مناسبه له وشين  
حقيقي بجد شكله مخيف  
ملامح بهته من غير روح  
كما الصوره اللي فوق الحيط  
مراية الحب خدعانا  
نشوف جوانا غير بره  
نشوف الفرحة ف عيوننا  
لكن جوانا نار قايدة  
نار الحب كويانا  
وآااه يانا

قلوب قادره علي أذانا  
مراية الحب مش عاميه  
مراية الحب مغشوشه  
بكل الحب بيعانا

# نفسى أوحشك

نفسى اوحشك  
ولما اغيب انا عن عيونك  
نبض قلبك يوجعك  
نفسى عواطفى بكل شوقها يغلبك  
انا عايزه احس بلهفتك  
واشوف مشاعرك جوه قلبك تغلبك  
ونبض قلبك يلوم عليك ويعذبك  
وتصحي طول الليل عيونك  
وتسهرك  
ويبكي قلبك ودمع شوقى يغرقك  
وصورتي تحضنها عيونك  
وناري تقلق مخدعك

أنا لو حقيقي بوحشك  
هاتخاف مشاعري من غيابك تهجرك  
ونبض قلبي تهون عليه  
ومايرجعك  
خاف من مشاعري  
لو هاتقسي يوم عليها هاتوجعك  
صعب إني أفضل طول حياتي بأقدرك  
وانت اللي واخذ كل عمري واهتمامي  
تهين مشاعري وتخسرك  
رجعلي قلبي ... ردني  
حس بمشاعري وحسني  
لو ضاع حناني وحبى ليك  
عمرك مايوم راح تلقي قلبي بين إيديك  
وكل لحظه حلوه كات ديماً ماينا  
مستحيل هترجعك

# بيشتيك م الوجع

بيشتيك م الوجع

قلبي اللي مش عارف يعيش إلا معاك

دا هواك ف قلبي معذبه

ماعدش قادر ع الغياب

قدام عنيه وليه بعيد

كل اما اقرب والمسك

بُعدك يزيد

بتحبني والله عارفه مصداك

حبك لساه زي الهلال

أنا نفسي حُبك يكتمل

كما البدر اللي نور ف السما

أنا نفسي اكون ورقة شجر

وانت الفروع  
مع بعض بس بتكتمل كل التضاد  
أنا عايزه أعيش وياك حروب  
تدخل معارك دنيتي  
تحسمها ديماً بنتصار  
تأثر هوايا وقلبي لك  
تجمع غنايم عشقي ليك  
أنا عايزه حبك طلق نار  
برق بيضوي ف السما ف عز النهار  
اخطف مشاعري بين إيديك  
أسجنها فيك  
أحكم عليها سنين كتير  
أنا راضيه أعيش ف المعتقل  
مادمت القاضي أنت  
وقلبي هو المتهم

# مش باستعطفك يا جميل

مش باستعطفك يا جميل

بدموعي وحناني ولاجرحي وألامي

ياحته من قلبي إيه زعلك مني

زعلك بيألمني قلبي تعب مني

والدمع فوق خدي مستني مندليك

أنا ليا مين غيرك تشكيلي واشكيلك

ليه كل ساعه بحال بستحلفك بالله

نعيش سوا أحباب رجعنا زي زمان

في أول البدايات فين حضنك الدافي

فين قلبك الصافي فين لهفة الأشواق

كفياك بقى احزان طب قولي كيف أرضيك

عاشقه تراب أراضيك قلبي اللي بيجبك

محتاج يكون جنبك يسكن حنان قلبك  
بكفايه قسوه عليه من إيه بتتألم  
تعال نتكلم قلبك زعل مني  
تعال وعاتبني والحق لو عندي  
قلبي وروحي فداك  
إياك في يوم تبعد ولا تخصصني  
قلبي اللي بيحبك لساه بيتعلم  
قلبك بلاش يآسي علي قلبي ويعلم  
كثر الوجع ف القلب بيصوت الأحساس  
دانا قلبي لساه حي لأنه بيحبك  
خدني بقى ف حضنك قربني من قلبك  
كل الزعل هيروح حضنك دوا للروح  
قلبي اللي داب ف هواك هيكون طبيب قلبك  
مين راح يداوي الروح  
غير روح تكون جنبك

# أنا باعشقتك

أنا باعشقتك معرفش ليه  
باعشق وجود إحساسي فيك  
بعشق وجودك جوه مني  
نظرة عيوني لما اشوفك و التقيك  
فرحة شفايفي لما بنده أسمك انت  
تخرج حروفي تحضن الأسم الجميل  
أنا حاضنه فيك كل الحياااه أنا بعشقتك نهار وليل  
إحساسي بيك إحساس جميل  
كل الألم ويا القلم بيروح وانا بكتب إليك  
برتاح معاك فوق السطور  
لما باتكلم معاك أنا باسمعك وأنت بعيد  
لما بنتده إسمي انا وتقولي نور  
أنا عارفه إني بوحشك ياوحشني موووت

## لسه حى

الكل شايف ضحكتي  
فوق الشفايف مرسومين  
لو بصوا بعيونهم قوووي  
هايشوفوا قلبي من الوجع مكسور حزين  
ياااه ع الألم سكين وراشق ف الواتين  
قلبي اللي بأديكوا اندبح نصب الصيوان  
رص الكراسي من الرموش كل الدموع وقفت طابور  
وخده العزا ف قلبي اللي مات  
دول كانوا أول الحضور  
كل المشاعر والدموع صلت عليه  
وقلبي اللي كان بيحبكم جوه الوجع مات واندفن  
بس الغريب صوت قلبي لسه حى فيه

# وباشفعلك

أقدرت ازاي ترجعني  
لحضن عنيك  
أقدرت ازاي  
وانا قلبي بيوجعني بأفعلك  
وحالفه إني مارجعلك  
وواخده قرار  
وترجع نفسي تشفعلك  
وإيه يعني  
ماصوم عادي 3 ايام  
وسبح ربي واستغفر  
مدام قلبي قدر يغفر  
ويرجعلك

وتقدم إليه أذار  
وقلبي عشان مايبحبك  
قبل منك  
ماهو أتعود علي طبعك  
وذل هواك  
وراضي إنه يرجعك  
بنظره ورده من فمك  
علي خدي  
فتمحي دمعي ويسامحك  
ويرجع قلبي ويضمك  
مدام القلب بيحبك  
هيغفرلك كتير أخطاء

# حبك مش كلمه

حبك مش كلمه تقولهالي  
وبعديها تروح  
انا عايزه حبك يوم مأموت  
يحييلي الروح  
وان مره بكيت  
قلبك يبقي هيموت جواك  
عايز يخرج بره ضلوعك  
يمحي من عيني أي دموع  
وان قلبي ف بعدك عاش ف الحزن  
تهديه بورود  
أنا عايزه أشوف  
حبك أفعال

مش كلمه تقولها  
وتنساني  
وتقولني بحب  
أنا عايزه الحب اللي يدوب  
الروح ف الروح  
وان باتت روعي المجروحه  
يحضنها القلب  
وبكل عواطفك وحنانك  
تشفيلي كل جروح الروح  
انا عايزه احس بحبك طول الوقت  
وانك مش قادر علي بعدي  
والبُعد ف بعدي ملهوش حد  
وانك ف البُعد يتيم الأهل  
وان مشاعري ليك يا حبيبي  
البيت والأهل

# ليست كل امرأة أنثى

ليست كل امرأة أنثى  
أرى البعض كالصخر  
والبعض كالعجين  
والبعض لبناً مسكوباً فوق طين  
والبعض ناراً وبراكين  
والبعض كالماء العذب  
والورد والرياحين  
والبعض سحراً  
وشموحاً مضاعه وقناديل  
تلك أنثى تحوي الدنيا بين زراعيها  
وتلك امرأة  
حجراً صلباً لاتلين



## الشاعرة فى سطور

الاسم/ نوره عبد السلام حجازي  
مواليد / محافظة الغربية  
تعمل بأحدى المؤسسات الحكوميه \_  
وتهوى الشعر العامي  
بدايتها كانت من خلال قصور الثقافه  
والندوات الشعرية والأدبية  
أهتمت بالنشر الإلكتروني  
وتم تكريمها من خلال بعض المواقع الإلكترونية  
أمثال:

الاتحاد الدولي للمتقنين العرب  
مؤسسة أكون للأبداع العربي  
منتدى كلمات الثقافيه للشعر والأدب  
شهاده شرفيه من الشيخه نوال الصباح  
مجلة سفير الإلكترونيه  
مجلة البيان بوست  
جريدة إيجيبشيان جارديان  
نادى الكريزه للإبداع  
صدر لها :

حبة مشاعر ( أشعار بالعامية المصرية ) مؤسسة النيل والفرات  
غيابك حضور ( أشعار بالعامية المصرية ) مؤسسة النيل والفرات  
مشاعر من نور ( أشعار بالعامية المصرية )

## محتوى الكتاب

- 2 ..... بطاقة الكتاب
- 3 ..... الإهداء
- 4 ..... ماتكسرنيش
- 7 ..... بكره تندم
- 9 ..... قلب هش
- 11 ..... مشاعر
- 13 ..... باجيب سيرتك
- 15 ..... تصدق بابه
- 16 ..... ملامحى بتشبهك
- 18 ..... دفى لى قلبى
- 20 ..... حبك مابقاش
- 22 ..... أنا خاب ظنى
- 24 ..... طمنى عليك

28	.....	حلفت عينيك
31	.....	لأول مرة
33	.....	هز مشاعري
35	.....	بدون شروط
37	.....	بتكهربني
37	.....	أنا روى عطشانه
38	.....	يتيم قلبي
38	.....	نويت الصوم
39	.....	بدون أسباب
43	.....	دوق القسوة
46	.....	شبعتم دموع
50	.....	أنا ماشيه خلاص
53	.....	دمعة الشوق
55	.....	دموع القلب
56	.....	مخاصمني صحيح

- 59 ..... إنت جرح جوه منى
- 59 ..... حضنك جنة
- 60 ..... كان نفسى أكون
- 62 ..... ماتصدقوش
- 64 ..... هاقولك شئ
- 66 ..... استغنين
- 68 ..... فداك عمرى
- 68 ..... منين أوصل
- 69 ..... سلمت روحى ليه
- 71 ..... بارتاح وياك
- 74 ..... لسه وشك مش عاجبنى
- 74 ..... وجعت لى روحى
- 75 ..... إعمل لى حظر
- 77 ..... مراية الحب كدابة
- 80 ..... نفسى أوحشك

- 82 ..... بيشتكينك من الوجد
- 84 ..... مش باستعطفك
- 86 ..... أنا باعشقتك
- 87 ..... لسه حى
- 88 ..... وباشفعلك
- 90 ..... حبك مش كلمة تقولهاالى
- 92 ..... ليست كل امرأة أنثى
- 93 ..... الشاعرة فى سطور
- 94 ..... محتوى الكتاب

تم بحمد الله  
مع تقديري واحترامى لكم  
الشاعرة

**نور حجازى**